

Gambaran dari kedai buku jelas menunjukkan minat masyarakat kepada agama kian meningkat. Kadangkala bandar yang ada IPTA dan IPTS juga memiliki kedai buku yang tidak menggambar tahap minda masyarakatnya.

Pendidikan tinggi demikian gagal mendidik penuntutnya untuk mencintai buku. Mereka merujuk kepada nota kuliah sahaja dengan tujuan lulus peperiksaan dan akhirnya mendapat kerja. Lebih malang lagi masih terdapat bandar kita yang belum lagi memiliki kedai buku sempurna. Permintaan yang ada lebih untuk bekalan alat tulis murid sekolah.

Mungkin minat dan tahap pendapatan setempat belum lagi mampu menampung pembukaan sebuah kedai buku. Sementara itu, Internet pula telah meratakan peluang capaian kepada ilmu untuk semua.

Perjalanan kita untuk membina rakyat berminda kelas pertama masih jauh. Lawatan kedai buku mungkin boleh dijadikan kaedah mudah dan ringkas mengimbas minda masyarakat kerana bahan bacaan adalah tingkap minda kepada pemikiran masyarakat.

DATUK DR. MOHAMAD AZMIE ZAKARIA dari Pusat Ilmuan Darulaman.



BERHAD

Utusan Malaysia, Isnin, 19-10-15.